

2021-mut Nunatta Karsiata naatsorsuutaasa akuersissutigineqarnissaannik siunnersuut**pillugu****Kukkunersiuinermut Ataatsimiititaliap****siunnersuutip aappassaaneerneqarneranut****ISUMALIUTISSIISSUTAA**

Kukkunersiuinermut Ataatsimiititaliap suliarinninnermini ukuninnga inuttaqarpoq:

Inatsisartunut ilaasortaq Doris Jakobsen Jensen, Siumut, siulittaasoq

Inatsisartunut ilaasortaq Nivi Olsen, Demokraatit, siulittaasup tullia

Inatsisartunut ilaasortaq Hans Peter Poulsen, Siumut

Inatsisartunut ilaasortaq Agathe Fontain, Inuit Ataqatigiit

Inatsisartunut ilaasortaq Knud Mathiassen, Inuit Ataqatigiit

Ulloq 31. maj 2021 siullermeerinninnerup kingorna siunnersuut ataatsimiititaliamit misissorneqarpoq.

1. Aallarniut

Aningaasaqarnermut Naligiissitaanermullu Naalakkersuisup ukioq 2021-mut Nunatta Karsiata naatsorsuutai UPA2022-mi saqqummiuppai.

Nunatta Karsiata naatsorsuutaata saniatigut Nukissiorfiit, Mittarfeqarfiit aamma Asiap naatsorsuutai saqqummiunneqarput. Ilanngussat assigiinngitsut kukkunersiuinermullu nalunaarutit naatsorsuutitut tapiliullugit ilanngunneqarput.

Ersarinnerusumik tunngavissaqarlutik Inatsisartut naatsorsuutitut isummernissaannik piukkunnarsarnissaat uani isumaliutissiissummi siunertarineqarpoq.

Avataaniit kukkunersiuutitsinermut naatsorsuutit tamarmik oqaaseqaatissartaaruttut pingaarnertut oqaatigisinnaavarput, ima paasillugu naatsorsuutit annerusumik kukkunertaqarnatillu amigaateqanngillat.

Taamaattumik Nunatta Karsiata 2021-mi naatsorsuutai akuerisassanngortippagut.

1.1. Imarisaanik nassuiaat

Imarisaanik nassuiaat ima ittoq tunngavigalugu inassuteqaammut nassuiaatitsinnut tunulequtsiivugut:

Misissuiffigisagut

- 2. Konto pingaarnertit
- 3. Suliffeqarfiit namminersortitat
- 4. Sanaartornermut Iluarsaassinermullu Aningaasaateqarfik
- 5. Pissutsit allat
- 6. Nunatta Karsiata naatsorsuutaanut nalunaarutit
- 7. Aktiaqarluni ingerlatseqatigiiffiit
- 8. Kukkuersuisumik toqqaaneq
- 9. Inassuteqaatit

2. Konto pingaarnertit

Kontot isertitsiffiusut ilaat aallaqqaasiutigalugu qanimut misissorniarlugit aalajangernikuuvugut, kiisalu aningaasaliissutaasuni nikingassutit nalinginnaasumik aningaasartuuteqarfiusuniittut pillugit Naalakkersuisut nassuiaataannik nalilersuilluta. Tamatumunngalu apeqqutinik suliaqarnikuuvugut akissutisillutalu. Taakkua isumaliutissiissut una peqatigalugu pisortatigut saqqummiunneqassapput. (Ilanngussaq A)

Kontoni pingaarnerni marlunni pissutsit annertut tupaallaatigisagut erseqqissaavigissavagut:

Annerusumik ukununnga tunngassuteqarput:

- 1) Nanoq konto
- 2) Sulinermut ilanngaasut

2.1. Konto 240610 Ernianut tapiissutit, ileqqaaruteqarnissamik aaqqissuussineq, Nanoq konto

Aningaasat tunniunneqartut agguataarneqarneri kiisalu aningaasat tunniunneqartut annertussusaat tupaallaatigisatsinnik paasisaqarfigaagut. Assersuutigalugu ernianut tapiissutit 136.522 kr. annertussusillit tikillugit tunniunneqarsimallutik (takuuk ilanngussaq B)

2.2. Konto 240614 Sulinermut ilanngaasut

Nunatsinnut nunatsinniillu nuuttartut sulinermut ilanngaammi akileraarutaasussap nalinganik annikillisitsinatik katersisartut tupaallaatigaarput. Nunatsinnut nunatsinniillu nuuttartut ilai piffissami sivikitsuinnarmi akileraarutit ilanngaatigereerlugit 4.312 kr.-t katersorsinnaavaat. (ilanngussaq C)

Sulinermut ilanngaasut nutaajuvoq, nalilerparpullu sulisut amerlasuut sivikitsuinnarmik suliarlorlutik nunatsinnukartarsimassasut. Tamatumani qanimut misissuisoqarnissaa pissusissamisoorsoraarput kingusinnerusukkullu malitseqartinneqassasoq.

Kontonut pingaarnernut ukununga apeqqutitsinnut akissutit pissusissaqartilerpaatigut eqqarsaasersuutigissallugu inatsisip massakut atuuttup misissorneqarnissaa qanoq pissusissamisoortigissanersoq.

2.3. Aningaasartuutitut tunngatillugu piffissaq eqqorlugu iliuuseqartannginneq pillugu isornartorsiuvugut

Konto 409123, Campus Kujalleq (CAK). Ukiut marluk tulleriitsiinnarlugit suliffeqarfimmi annertungaatsiartumik aningaasaliissutinik sippuiffiusimavoq. CAK-mit nassuiaatit uagullu oqaaseqaatigisagut kakkiunneqarput. Ilanngussaq D+E.

- Aqutsinerlunneq pillugu **sakkortusisamik isornartorsiuvugut**.

Ajoraluartumilli konto taanna kisimiinngilaq Ilinniartitaanermut, Kultureqarnermut, Timersornermut Ilageeqarnermullu Naalakkersuisup susassaqarfiisa ataaniittoq isornartorsiuinissatsinnut peqqutissiisoq.

Konto 401011, Ado Lyngep Atuarfia. Taanna immikkut ittumik atuarfiuvoq, taannalu ukiorpassuarni missingersuutinik malinninniarnermigut ajornartorsiuteqartarsimavoq. Suliffiup iluani kukkunersiuinermit nalunaarusiaq kusanartoq kakkiunneqarpoq.

-Sippuilluni atuisimaneq pillugu **isornartorsiuvugut**.

Konto 400201 Ilinniartut Ineqarfiisa Allaffeqarfiat annertuumik kiffaanngissuseqarsimanermut malunnaateqarpoq. Maluginiarparput Ilinniartut Ineqarfiisa Allaffeqarfianni ukiup qaammataani siullerni kontoni minnerni ukiumut missingersuutaasut tamaviisa sinnerlugit atorneqartartut soorlu assersuutigalugu eqqiaanermut, nutaanik pisinermut atortussanillu pisinermut.

Konto 400108 Ilinniartitaanermut immikkoortunut Pilersaarut (tapiissutitut konto). Konto siusinnerusukkut Nunatta Karsiata kukkunersiuuisuanit misissorneqarnikuuvoq. Kingullermik 2008-mi¹ tapiissutitut kontomi aningaasarsianut aningaasartuuteqaqqusaannginnera pillugu uparuarneqarpoq. Kukkunersuisup missingersuutitut inatsimmik § 15 imm. 3 pillugu paasinninnera malillugu taamanikkut tamanna pivoq.

-Pissutsit qanimut misissussavagut akissummi akissarsiat nammineq isumagineqartarsimanerat peqqutaalluni.

Aningaasanut inatsimmi aningaasaliissutaasut saniatigut nakkutigisaanngitsumik aningaasanik atuisoqaqqinnissaa naatsorsuutiginnilarput.

¹ Kukkunersuisut nalunaarutaat (2007) immikkoortoq 1.4.1 qupperneq 831 danskisuuani quppernerlu 832-833 kalaallisuuani

Ulloq 18.10.2022 Ilinniartitaanermut, Kultureqarnermut, Timersornermut Ilageeqarnermullu Naalackersuisup konto pingaarneq 401011 pillugu akissutaani allaqqavoq, Naalackersuisut ajornartorsiutinut ilisimaarinnittoq aqutsinerlu maanna inissaminiilersimasoq.

Ileqqorissaarnissaq eqqarsaatigalugu eqqaaneqassaaq naalackersuisoqarfiup taassuma iluani katillugu atuinikiffiusimasoq. Naak sinaakkutaasut ataatsimut isigalugu sipporneqarsimangikkaluartut kontomi pingaarnermi ataasiakkaami sippuilluni atuisoqarnissaa takussutissaqalissappat suliffiup iluani nuussisoqarnissaanik qinnuteqartoqassaaq, ilimanarlunilu Tapiliussatut aningaasaliissutinut qinnuteqaammik nassiussisoqarnissaa.

Ukiumi aggersumi ineriartorneq malinnaavigissavarput.

2.4. Coronamut tapiissutit

2020-mi aamma 2021-mi inuussutissarsiornermi tapiissutitut aningaasarpasuit tunniunneqarput kiisalu suliniutinut assigiinngitsunut aningaasaliisoqarnikuulluni. Ikiorssiussutit taakkua eqqortumik eqqunngitsumilluunniit allaffissornikkut suliarineqarsimanersut pillugu pisortatigoortumik suli nalilersorneqarsimanginneri **isornartorsiugassaavoq**.

Nunatta Karsiata kukkunersiuisua aqquutigalugu paasitinneqarpugut nalilersuilluni suliassaq suliariumannittussarsiuunneqarsimasoq.

-Nalunaarummik utaqqivugut.

2.5. Malitseqartitsineq oqaaseqaatissallu allat

Suliarpassuit ataatsimiitaliamit malitseqartillugit suliareqqitassatut aalajangiunneqarput.

Ataatsimut isigalugu suliata taakku Nunatta Karsiata naatsorsuutaanut allannguaviannngitsut nalilerneqarpoq.

2.6. Naammaginartumik nassuiaateqannginnera apeqqutinik allanik nassataqartitseriaannaavoq

Konto pingaarneq 640105 Nunaqarfinni isorliunerusunilu inuussutissarsiutinut ineriartortitsineq aamma Konto pingaarneq 641032 Takornariaqarnermut Inuussutissarsiutinillu siuarsaanissamat suliniutit pillugit apeqqutigut Nunanut allanut, Inuussutissarsiornermut Niuernermullu Naalackersuisoqarfimmit akineqarsimangitsut maluginiarparput.

-Akissuteqartoqarsimanginnera **isornartorsiugassatut** isigaarput

Konto pingaarneq 720651, Inissianik tunisineq – ilanngaaseereerluni tunniussineq.

Inissiamik ataatsimik tunisinermit isertitanik konto imaqarpoq kiisalu aningaasartuuteqangaatsiarluni.

- Oqaaseqaateqannginnitsinni paasissutissanik annertunerusunik pissarsissaagut.

3. Suliffeqarfiit namminersortitat

Asiaq.

-Coronamut tapiissutinik aningaasaliisarneq eqqortumik ingerlanneqarsimanersoq misissussavarput.

Nukissiorfiit.

Atuisunut Unammilleqatigiinnermullu Aqutsisoqarfimmut suliffeqarfik suliassanngortinneqarnikuvoq.

Allaffigeqatigiinnerup 26.7.2022-meersup assilinera kakkiullugu suliffeqarfimmiit nassiunneqarpoq.

Allakkami aningaasat annertussusaat 18,1 mio. kr. eqqaaneqarpoq.

- Tamanna sukumiinerusumik misissussavarput, oqaaseqaateqartinnatalu malitseqartitsinissaq utaqqissavarput.

Mittarfeqarfik.

-Pilersitsisoqaginnissaanut tunngatillugu akissut allapparput.

Naatsorsuutit naqitertinnerinut aningaasartuutit apeqqutigaagut.

Mittarfeqarfik siunissami naatsorsuutit qarasaasiatigut taamaallaat saqqummiuttalerusussinnaavai.

-Taamaattoqarnissaa ajunngitsutut isigaarput. Naatsorsuutit qarasaasiatigoortunngornissaat kaammattuutigissavarput.

4. Sanaartornermut Iluarsaassinermullu Aningaasaateqarfik

Sisimiut peqqissaaviata allannngortiternissaanut suliniut pillugu paasissutissanik pinikuuvugut.

Aasaanerani sulinngiffeqarneq sioqquutilaarlugu suliniut pineqartoq Aningaasaqarnermut Akileraartarnermullu Ataatsimiititaliamit nukinginnartut suliarineqarnikuvoq. Aningaasaliissutissat tamarmik nukinginnartut suliarineqartarneri ileqquunersoq malitseqartitsiffigissavarput, aammalu tapiliussatut aningaasaliisarnerit amerliartornersut ikiliartornersulluunniit.

5. Pissutsit allat

Ukioq manna suliat ingerlasut naammasseriikkallu killiffii.

5.1. Kommune Sermersooq pillugu Nakkutilliisut

Immikkoortoq naammassereerparput. Piginnaatitaaffigut eqqarsaatigalugit ataaniittut takuuk.

5.2. Aalisarnermut akuersissutit pillugit aqutsiveqarfinnik annertusisamik misissuineq

Aalisarnermut akuersissutit pillugit allaffissornermut paasissutissanik peqqammerpugut. Suliaq suli malinnaaffigigallassavarput.

5.3. KNI A/S

Suliffeqarfik suli malinnaaffigigallassavarput.

5.4. UKA2021/11 isumaliutissiisummi pissutsit eqqartorneqartut

Amerlanerit annertunerusumik misissuinertaqanngitsumik oqaaseqaateqarfiginertaqanngitsumilluunniit naammassereerpagut.

Pisussaaffinngorsinnaasut.

Illuut a/s pillugu allakkiaq suli ilanngullugu suliarineqarsimangilaq.

Illuut A/S 2021 naanerani naatsorsuutit 781 mio.kr.-nik erniaqanngitsunik akilersorneqartussaannngitsunillu Namminersorlutik Oqartussanut attartukkanik imaqarpoq.

Nunatta Karsiata naatsorsuutaani allakkiaq 11-mi allaqqasortaani Illuut A/S-imi aningaasat pisassat ilaanersut erseqqissumik allaqqanngillat.

Suliaq suli malinnaaffigigallassavarput.

5.5. Aatsitassanut inatsit

Uranimut akuersaannngilluinnarnerup eqqunneqarneranut atatillugu taarsiivigineqarnissamik suliassatut aallartinneqaratarsinnaasoq pillugu Naalakkersuisut naliliinerat takuarput.

Eqqartuussivimmut tunniussisoqaratarsinnaanera Nunatta Karsiata naatsorsuutaani danskituuani qupperneq 47 kalaallisuuani qupperneq 51-imi taakkartorneqarpoq.

5.6. Kalaallit Nunaanni Aalisarnermut akuersissutinik nakkutilliinermik nalilersuineq

Nalunaarut tigoqqammerparput.

5.7. Ilisimatitsinerit

Saaffiginnissutit ilisimatitsinerillu ataavartumik takkussuuttarput. Naalakkersuisut nutaamik nittartagartaarput.

<http://oqarit.nanoq.gl> ajortoq paasinikuuarput. Nittartagaq siornatigut isertortumik nalunaaruteqartartunit (whistleblowere) nalunaarutinik tunniussinermut atorneqartarnikuuvoq.

5.8. Ataavartumik ilinniagaqarneq

Uagut Nunattalu Karsiata kukkunersuiusua pingaarnepaatut nakkutigisassaraagut:

- Ukiumut naatsorsuutit eqqoqqissaartuussasut
- Inatsisit malittarisassallu malinneqarnissaat
- Atuineq aningaasaliissutaasut iluaniitinneqarnissaat

Naliliinigit assigiinngiffeqarsinnaapput.

Nunatta Karsiata kukkunersuiusua uagullu misissuinigut kukkunernik amigaatinillu tamanik nassaarfiusanngillat.

Nunatta Karsiata kukkunersiuisuanit tassunga atatillugu oqaatigineqarpoq kukkunerit annertuutut taasariallit tassaasut kukkunerit 50 mio.kr. sinnerlugit annertussusillit. Tamatuma akerlianik inatsisinik malittarisassanillu unioqutitsinerit aningaasat annertussusiisigut killiligaanngillat.

Nunani tamani misissueriaaseq nutaaq² innersuuttarparput, tassani tulliuuttutigit allaqqasut ilanngunneqartarlutik.

Piaaraluni kukkunerit atonerluisimanerillu qanoq paasineqartarnersut misissuinerup takutittarpaa.

42% inummit ataatsiminngaanniit oqaatilliisoqarneratigit paasineqartarput.

16% suliffiup iluani nakkutilliinermiit saaffiginninnerit peqqutaallutik paasineqartarput.

4% suliffiup avataanit kukkunersiuisoqarneranit saaffiginninnerit peqqutaallutik paasineqartarput.

Corona peqqutigalugu nunani avannarlerni kukkunersiuinermut ataatsimiititaliat ataatsimeeqatigiittarnerat unitsikkallarneqarnikuuvoq, naatsorsuutigaarpulli 2023-mi aallarteqqinneqassasut.

5.9 Oqaatsuni ulluni 13.8 - 14.8. 2022 naatsorsuutit pillugit isumasioqatigiinneq

Piffissaq eqqarsaatigalugu suleriutsimi allannortoqarnikuuvoq, taamaalluni naatsorsuutit pisarnermit ukiumi kingusinnerusukkat takkuttalerlutik, kiisalu suliffeqarfiit arlallit nalinginnaasumik Nunatta Karsiata Naatsorsuutai piareereeraangata aatsaat piareerneqartarmata. Taamaattumik aggustimi 2022-mi naatsorsuutit pillugit isumasioqatigiinnitsinni AIS2023-mi 2021-mut kisitsisit piviusut takunissaannut periarfissaqarsimanerput pitsaasuvoq. Tamatumalu nassatarisimavaattaq akissuteqaatit ilai AIS2023-mut innersuunneqarnerat, kiisalu pisuni aalajangersimasuni apeqquteqarnissatsinnut pisariaqarsimannginnera.

Naatsorsuutit pillugit isumasioqatigiinnerup taama kingusitsigisumi ingerlanneqarneranut ajoqutaasoq tassaavoq Naalackersuisunut akissuteqarnissamut piffissarititap sivikillinera tamatigullu ukiumut aggersumut aningaasanut inatsisissaq pillugu apeqqutit akinissaannut Aningaasaqarnermut Naalackersuisoqarfik ikiuuttariaqartarluni. Naatsorsuutit akuerineqareeraangata aatsaat malitseqartitsinerup ilaa pisassasoq aalajangiupparput. Tamanna nalunaarusiamik kinguneqartitsiumaarnersoq malitseqartitsinerup inernerata takutikkumaarpaa.

² 2022 ACFE Report to the Nations - <https://legacy.acfe.com/report-to-the-nations/2022/> - page 22

6. Nunatta Karsiata Naatsorsuutai pillugit kukkuneriusup nalunaarutai

Nunatta Karsiata kukkuneriusuata nalunaarutini *oqaaseqaatai* Naalackersuisut akissuteqarfigaat. (Ilanngussaq F)

Kukkuneriusup oqaaseqaatai siulliit marluk matuneqarput, tamanna ajunngitsuvoq.

- Akissuteqaatit tusaatissatut tiguagut.

Kukkuneriusup *innersuussutai* pillugit oqaaseqaammik pinissarput ukioq manna pisariaqarsorisimangilarput. Taamaattorli innersuussutigerusullugu nalunaarummi immikkoortut 4.2 aamma 4.7 ataaniittut innersuussutit sinaakkusersukkat suleqqinnermut ilanngunneqassasut.

Immikkoortoq 4.2 Nakkutilliinermik suliassaqarfik

Kukkuneriusup innersuussutaa:

Taamaattumik innersuussutigissavarput, inatsisit malittarisassallu eqquutinneqarnerannik suliamik pitsanngorsaasoqarnissaanut qitiusumit eqqarsaatersortoqaqqullugu. Assigiinngitsunik periuseqarluni taamaaliortoqarsinnaavoq, tassunga ilanngullugu tulliatut pitsaassutsimik nakkutilliineq (sulianut aqutsisutut nakkutilliinerit). Taamaaliornikkut ilaatigut sullissinerup pitsaassusianik naliliinermut tunngaviusumik uppersarsaatit pigineqalissapput, sulianik naammassinninnernut il.il., immikkut iliuusissatut pisariaqartitanut soorlu ilinniaqqinnernut, aqqissuussanit tapersersorteqarnissanut aamma aqqissuussinernit atorneqarsinnaasunik.

Immikkoortoq 4.7 Aningaasaliissutinut malittarisassat, taarsigassarsianut malittarisassat il.il., eqquutsinneqarnerat

Kukkuneriusup innersuussutaa:

Eqqarsaatigineqartariaqarpoq piumasaqaammik eqquussoqassanersoq, nikingasut pillugit nassuiaatinik suliaqartoqartassanersoq, aningaasaliissutit eqquutsinneqarlutik kisianni suliati naatsorsuutigisaasunut malunnaatilimmik allaanerussuteqarsimappata.

Immikkoortoq 4.7 pillugu ima oqaaseqaatissaqarpugut:

Kukkuneriusumit maluginiarneqarpoq naatsorsuutit pillugit najoqqutassami immikkoortoq 7.3 maanna allanngorsimasoq.

Nikingassut 200 t.kr. sinnersimagaangagu nassuiaateqartoqarnissaa siusinnerusukkat piumasaqaataanikuugaluarpoq.

Killigititaasoq maanna 1 mio. kr.-mut qaffanneqarnikuuvoq. Najoqqutassaq december 2021 -meersoq ulloq 1.1.2021 atuutilerpoq.

Kukkuneriusup innersuussutai immikkoortoq 4.7 ataaniittut assersuutigalugu konto 770502 GEUS-imut atuuttut Nunatta Karsiata kukkuneriusuaniit uppersarsarparput.

GEUS aningaasaliissutinik naapertuisimavoq, kisiannili

allannguuteqarfigineqangaatsiarsimalluni.

GEUS Nunatta Karsiata naatsorsuutaani imaluunniit nikingassutit pillugit nassuiaatini eqqaaneqanngilaq.

Konto pingaarneq 770502 GEUS pillugu akissut innersuussutigaarput.

Immikkoortoq 7.1 ataani ukioq manna eqqaaneqaqqippoq ilaatigut inuussutissarsiornermik ilinniartinnit kukkunersuineq kinguaattooqqasoq.

ERP-system nutaap atuutilersinniarnera unammillernartunut peqqutaatinneqarpoq.

7. Aktiaqarluni ingerlatseqatigiiffiit

Inatsisitigut aalajangerneqarnikuuvoq Kalaallit Nunaanni Namminersorlutik Oqartussat aktiaateqarfii pillugit Naalakkersuisut qanoq aqutsinersut uagut nakkutigisassarigippat, tamatumunngalu ingerlatseqatigiiffiit namminersorlutik oqartussanit tamakkiisumik pigineqartut pigineqataaffigineqartulluunniit ingerlanneqarnerinut atatillugu aningaasatigut iluameersumik isumaginnittoqarnissaa Naalakkersuisunit qulakkeerniarlugu naammattumik iliuseqartoqarsimanersoq ilanngullugu nalilersussagippat.

Paasissutissat Naalakkersuisut atorsinnaasaasa assinginiq pisarnissarput nakkutilliinissamut atorfissaqartittarsinnaavarput.

Ukioq 2021-mut ingerlatseqatigiiffiit pillugit kukkunersuisut nalunaarutaannik piniarnikuunngilagut.

Konto 101310, Iluanaarutit. Kontomi aningaasaliissutit nukissiuutinut akit³ assigiilersinneqarnerisa kingunerisaanik ukiumut 8,4 mio.kr.-nik iluanaaruteqarfiusalernissaa ilimagineqarpoq. Tassanngaanniit nassuiaasorsorluagaanerunngitsumik aningaasaliissutinik nakkutilliinissaq ajornakusoorpoq. Assigiimmik akeqalersitsineq toqqammavigalugu 2018⁴ Tele Greenland A/S-imit (Tusass A/S) 5 mio.kr.-t tiguneqarsimasut paasivarput.

Ingerlatseqatigiiffiit naatsorsuutaanni ingerlatseqatigiiffinnut akileraarutinut aningaasarpasuit aningaasartuutitut allattoreqarput. Nunatta Karsiata naatsorsuutaanut aningaasat annertussusaat isertitatut allattoreqartut assigiittuaannangillat. Ingerlatseqatigiiffiit akileraarutissami ilai piffissakkuutaarlugit kinguartitsisarnerat tassunga amerlanertigut peqqutaasarpoq. Taamatuttaaq ingerlatseqatigiiffiit ilai nunanut allanut qularnanngitsumik akileraangaatsiartarsimassallutik.

Konto 241012, Ingerlatseqatigiiffiit akileraarutaat. Royal Greenland A/S-imit (RG) ingerlatseqatigiiffiit akileraarutaannit 4.520 t.kr. naatsorsuutigineqarput.

AIS2023-mi konto 241012 ilaatigut takuneqarsinnaavoq, RG 2021-mi Kalaallit Nunaannut akileraarutinik akiliuteqarsimanngitsoq.

Ingerlatseqatigiiffiit akileraarutaasa iluanaarutaasalu ataqatigiinnerat pillugu nassuiaasoqarnissaanik piumasaqarnikuuvugut.

³ Kilde FFL2023 qupperneq 223 danskisuuani, qupperneq 270 kalaallisuuani.

⁴ Kilde EM2019/11 ilanngussaq 6 qupperneq 20 danskisuuani, qupperneq 20 kalaallisuuani.

Nassuiaat malitseqartissavarput.

Aammattaaq Greenland Holding A/S-imit akileraarutaasussat kinguartinneqarnikuusut nalingi pillugit akissummut malitseqartitsissaagut. Greenland Holding A/S akileraarutissat kinguartitat 26 mio. kr. uninngasuutitut inissinnikuuat.

Apeqqutigut akissuteqaatillu tigunikuusagut innersuussutigaaq.

8. Kukkuersiuisumik toqqaaneq

8.1 Nunatta Karsiata kukkuersiuisua ataatsimiititaliallu piginnaatitaaffii

Ataatsimiititaliap piginnaatitaaffiit ilaanngitsunik immikkoortortanik peqarpoq, soorlu assersuutigalugu kommunit. Ilaatigut kommune Sermersuumut nakkutilliisoqarfimmullu tunngatillugu sulianut attuumassuteqarneq takkunnikuuvoq. Nakkutilliisoqarfik kommuninut nakkutilliinermik suliaqartuuvoq.

Nunatta Karsiata kukkuersiuisua nunatta kommuniini tamani aamma Namminersorlutik Oqartussat ingerlatseqatigiiffiutaani 100%-imik pigisaani tamani kukkuersiuisutut toqqaarneqarnikuunngilaq. Kukkuersiuisut nalunaarutaanni (qupperneq 1425 danskisuuani, qupperneq 1439 kalaallisuuani) allaqqavoq, ingerlatseqatigiiffiit sorliit Deloittep kukkuersiuisuuffiginerai.

Ileqqorissaarnissaq eqqarsaatigalugu maluginiaqquarput aningaasanut inatsimmi immikkoortortaq 01 "Inatsisartut" isiginiassanngikkipput. Nunatta Karsiata kukkuersiuisua taamaaliussaaq. Inatsisartut ukiumut nalunaarusiamik saqqummersitsisussaapput.

2021-mi annertuumik misissuutitsinernik aallartitsinikuunngilagut.

Nunatta Karsiata kukkuersiuisua Kalaallillu Nunaanni inatsisilerinerup kukkuersiuiunerullu iluani suliallit allat akileraaruseriffiup iluani kukkuersiuiinermik suliaqarnissaminnut ilaatinneqanngillat. Ilaatigut nunani sanilitsinniit peer-review-imik suliaqarnissamut ikiortissarsiortoqarsinnaassaaq. Peer-review sanillersuussinermut atorpeqarsinnaavoq immikkoortortami suliaqarnissamut suna pitsaanerpaanersoq pillugu.

Nunatta Karsiata naatsorsuutaanik kukkuersiuisinnaasunik imaluunniit suliassamik isumaginneqataasinnaasunik kukkuersiuiinermut suliffeqarfinnik allanik peqarnersoq ataatsimiititaliap eqqarsaatersuutaanut ilaavoq.

Nunatta Karsiata kukkuersiuisua ukiorpassuarni toqqaqqinneqartarnikuuvoq. Taamaattumik Nunatta Karsiata Naatsorsuutai pillugit ilisimasat annertuut katersorneqarnikuullutik. Nuna allani arlalinni Nunap Kukkuersiuisua ukiut arfineq-pingasukkaarlugit toqqaarneqartarpoq.

Takuuk Inatsisartut Suleriaasianni, § 25, imm. 2, Inatsisartut Kukkuersiuiinermut Ataatsimiititaliaata inassuteqarneratigut Inatsisartut Nunatta Karsiata naatsorsuutaanik kukkuersiuisussamik qinersissapput.

Nunatta Karsiata 2023-mut naatsorsuutaanik kukkuersiuinissamut Deloitte, piginneqatigilluni ingerlatseqatigiiffik naalagaaffimmit akuerisaq, Inatsisartunit qinerneqarnissaa Inatsisartunut inassuteqaatigaarput.

9. Inassuteqaatit

Ataatsimiititaliap isumaqatigiittup Nunatta Karsiata 2021-mi naatsorsuutai pillugit aalajangiiffigisassatut siunnersuut akuerisassanngortippaa.

Taama oqaaseqarluni isumaliutissiisummilu allassimasunut paasinnilluni ataatsimiititaliap siunnersuut aappasaaniigassanngortippaa.



Doris J. Jensen
Siulittaasoq




Nivi Olsen
Siulittaasup tullia



Agathe Fontain



Hans Peter Poulsen



Knud Mathiasen

Ilanngussanut takussutissaq

- A) Nunatta Karsiata 2021-mi naatsorsuutai pillugit apeqqutit akissutillu
- B) Nanoq konto
- C) Sulinermut ilanngaas
- D) Kukkunersiuinermut Ataatsimiititaliap Campus Kujalleq (CAK) pillugu allakkiaa
- E) CAK-mi allaffigeqatigiinneq 19. april 2022-meersoq
- F) Kukkunersuisut nalunaarutai pillugit apeqqutit akissutillu